

O se Ekalesia mo Zulma

Atonu e tele atu mea na finagalo le Atua ia iloa e Zulma.

Saunia e Lucy Stevenson

Mekasini a le Ekalesia
(E faavae i se tala moni)

*“Saili, ma o le a outou maua”
(3 Nifae 14:7).*

Sa nofo Zulma i se tasi o nofo Suumi a le lotu ma faamafola-fola le sakete o lana toniga aoga. Na susulu mai le malamalama lanu i faamalama tioata, ma sa tu

se satauro i le pito i luma o le falesa. Sa alu Zulma i se aoga lotu, o lea sa ia alu ai i sauniga lotu e faalua i le aso ma isi tamaiti aoga. Sa fiafia Zulma i lana lotu. Sa alofa

o ia ia Iesu ma e fiafia e aoao e uiga ia te Ia.

Sa nofo filemu o ia ina ua amata ona tautala le patele. Peitai, sa ese se lagona i le asō. Na faafuasei ona oo mai se manatu fou i lona mafaufau ma le loto: *E tele isi upumoni o i ai i fafo i o.*

Sa faapuiti e Zulma ona mata. Isi upumoni? O le a le uiga o lona mea?

Na toe oo mai foi le manatu. *E tele isi upumoni.*

Na moeini mata o Zulma ma taulai atu i le mea sa ia lagonaina. Sa ia aoaoina le tele o mea lelei i le lotu. Ae o lenei ua mafaufau o ia pe o misi se mea. Atonu e tele atu mea e finagalo le Atua na te iloa. Ae e faapefea ona ia mauaina?

Mulimuli ane, sa ia talanoa atu i lona tuagane matua, o Alberto, e uiga i ona manatu.

“E te manatu e i ai nisi mea moni o i ai iina?” O le fesili lea a Alberto.

Sa lue atu le ulu o Zulma. “Ou te fia iloa e uiga i isi ekalesia,” o lana tala lea.

“Ua lelei,” o le tali lea a Alberto. “O le a ta o!”

Mo ni nai tausaga, sa asiasi atu ai Zulma ma Alberto i lotu eseese. Ina ua maea se tasi o sauniga lotu, sa fai mai Alberto, “Na aoaoina e lona lotu ni mea lelei.”

Sa ioe atu Zulma, ae sa la lagona lava le pei na i ai se mea o misi, o lea sa la sailiili ai pea.

I se tasi aso na tamoe atu ai Alberto i luga o faasitepu o le latou fale. “Ua ou maua le ekalesia o loo ta sailia!” Na fai mai ai Alberto. Sa ia tuu atu ia Zulma se opo lapo’a.



O Zulma lea a o avea ma se teineitiiti laitiiti. I le itu taumatau o loo i ai se la ata ma lana tane i le taimi nei, o Elder Walter F. Gonzalez o le Fitugafulu.

Na faalatele le pupula a Zulma. “I fea? Ae na faapefea?”

“Sa feiloai lau uo i ni faifeautalai mai Le Ekalesia a Iesu Keriso o le Au Paia o Aso e Gata Ai,” o le tala lea a Alberto. “Sa ou faalogo ia i laua, ma ou te talitonu i mea sa la aoaoina mai!”

Sa matua fiafia Zulma ma Alberto ma sa la sisiva faataamilo ai i le fale atoa. Ona maua lea e Zulma o se tala faanoanoa. Sa le mana o mama ia te ia e feiloai atu i faifeautalai. “E na o le 12 ou tausaga,” o le tala lea a Mama. “E te laitiiti tele.”

Talu ai ona sa matua atu Alberto, sa faatagaina o ia e faaauau pea ona feiloai i faifeautalai. I nai vaiaso mulimuli ane, na papatiso ai loa o ia.

Sa toe faaauau pea ona fesili atu Zulma ia Mama pe mafai ona ia aoao mai faifeautalai. Mulimuli lava, na fai mai Mama ioe.

Ina ua aoaoina e faifeautalai ia Zulma, sa ia lagonaina le mafanafana i lona loto. Sa faigata i se tasi o faifeautalai ona tautala i le faa-Sipaniolo, ae sa lei afaina. O le mea sa taua o le lelei o le lagona na oo ia Zulma. Ina ua ia aoao e uiga ia Iosefa Samita ma le Tusi a Mamona, sa ia iloa ua ia maua le upumoni sa ia sailia!

Sa mana Zulma ia papatisoina. Ae o le a se tala a mama? Sa matua fiafia Zulma ina ua fai mai Mama ioe! I le aso o lona papatisoga, na laei papae atoa ai Zulma. Sa ia iloa sa alofa le Atua ia te ia. Sa ia iloa na Ia silafia o ia. Ma sa ia iloa sa fesoasoani o Ia i lana sailiga o Lana Ekalesia toefuataiina! ●

